



Adresa: **Ul. Hamdije Čemerlića 39 a**  
71000 Sarajevo  
<http://www.voda.ba>

tel. +387 33 726 400;  
fax. +387 33 726 423;  
e – mail: [info@voda.ba](mailto:info@voda.ba) .

Broj: **60-237-19/21**  
Datum: 01.06.2021. godine

Na osnovu člana 64. stav (1) i člana 70. stav (1) Zakona o javnim nabavkama ("Službeni glasnik BiH", broj 39/14) i Preporuke iz Zapisnika broj: 60-237-16/21 od 18.05.2021. godine, uz primjenu otvorenog postupka, donosim

**O D L U K U**  
**o izboru najpovoljnijeg ponuđača za javnu nabavku roba:**  
**„Nabavka potrošnog materijala u Laboratoriji za vode – 7 LOT-ova“**  
**LOT 3 - Nabavka staklenog laboratorijskog posuđa**  
**Obavještenje o nabavci br.: 1132-1-1-34-3-34/21**

Član 1.

Kao najpovoljniji ponuđač za javnu nabavku roba: „**Nabavka potrošnog materijala u Laboratoriji za vode - 7 LOT-ova**“ - **LOT 3: Nabavka staklenog laboratorijskog posuđa** bira se ponuđač **KEFO d.o.o. Istočno Sarajevo**, ul. Ćorovićeve br. 1A, 71123 Istočno Sarajevo, registrovan kod Okružnog privrednog suda u Istočnom Sarajevu, MBS: 61-01-0088-10, JIB: 4403208220006 za ponuđenu cijenu **7.974,30 KM bez PDV-a, odnosno 9.329,93 KM sa PDV-om.**

Član 2.

Sa Ponuđačem **KEFO d.o.o. Istočno Sarajevo** će se zaključiti ugovor o obavljanju posla iz člana 1. ove Odluke nakon što svi ponuđači budu obaviješteni o izboru najpovoljnije ponude.

Član 3.

Za izvršenje ove Odluke zadužuje se Sektor Laboratorije za vode Agencije za vodno područje rijeke Save, Sarajevo.

Član 4.

Sredstva za zaključenje ovog ugovora će se koristiti iz Plana i Finansijskog plana Agencije za 2021. godinu, ekonomski kod 613423.

Član 5.

Ova Odluka će se objaviti na web-stranici [www.voda.ba](http://www.voda.ba), istovremeno s upućivanjem Odluke ponuđačima koji su učestvovali u postupku javne nabavke, shodno članu 70. Stav (6) Zakona o javnim nabavkama.

Član 6.

Ova Odluka stupa na snagu danom donošenja.

## OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 60-237-2/21 od 04.03.2021. godine. Javna nabavka je provedena putem otvorenog postupka. Ukupna procijenjena vrijednost nabavke bez PDV-a je 215.900,00 KM. Obavještenje o nabavci broj: 1132-1-1-34-3-34/21 je objavljeno na portalu javnih nabavki dana 23.03.2021. godine.

Tendersku dokumentaciju sa portala e-Nabavke su preuzeli sljedeći ponuđači:

1. SARTORIUS LIBRA ELEKTRONIK D.O.O
2. EKAPIJA D.O.O.
3. SHIMADZU D.O.O.
4. SEMIKEM D.O.O.
5. EMGEN D.O.O
6. E N A D.O.O.
7. KEFO D.O.O.
8. SINEKS LABORATORIJA D.O.O.
9. MPS LAB D.O.O.
10. BBS EUROPE D.O.O.
11. HELIA D.O.O.
12. ANALITIKA D.O.O.
13. HEMIJA D.O.O.
14. MIKRO+POLO D.O.O.
15. EUROLAB D.O.O.
16. ALPHACHROM D.O.O.
17. CONTROLMATIK BH D.O.O.
18. BOSNA-VET D.O.O.

Komisija za nabavku imenovana je Rješenjem broj: 60-237-4/21 od 23.03.2021. godine. Komisija za javnu nabavku je blagovremeno i pravilno izvršila otvaranje ponuda i ocjenu pristiglih ponuda, o čemu je sačinila zapisnik o otvaranju ponuda i zapisnik o pregledu i ocjeni ponuda, u kojima je utvrđeno sljedeće:

- Da je ukupan broj preuzimanja tenderske dokumentacije 18 (osamnaest);
- Da su ukupno pristigle 3 (tri) ponude za LOT 3;
- Da su blagovremeno zaprimljene 3 (tri) ponude za LOT 3;
- Da nema neblagovremeno zaprimljenih ponuda;
- Da je ponuda 1 (jednog) ponuđača ocijenjena kao prihvatljiva;
- Da su ponude 2 (dva) ponuđača ocijenjene kao neprihvatljive.

Ponuđač MIKRO+POLO d.o.o. Sarajevo je dostavio ponudu za LOT 3 u iznosu od 7.974,53 KM bez PDV-a. **Odbija se ponuda ponuđača MIKRO+POLO d.o.o. Sarajevo** iz razloga što sljedeće stavke ne odgovaraju tehničkim specifikacijama i zahtjevima navedenim u Aneksu II i tački 2.3. predmetne tenderske dokumentacije:

- Stavka br. 24. Traženo: Redukcione boce, volumena 100 ml, grlo NS 29/32, kruškoliko konusnog oblika, Ø cca 60 mm, ukupne dužine cca 190 mm. Dužina suženog/graduisanog dijela cca 48 mm, Ø cca 10 mm. Graduisana do volumena od 2 ml, sa podjelom od 0,1 ml. Ponuđeno: Nije dostavljen katalog/opis i fotografija roba izrađeni od strane proizvođača, kojima se dokazuje tehnička specifikacija robe, a u skladu sa tačkom 3.2 d)2) tenderske dokumentacije.



- Stavka br. 25. Traženo: Staklena boca 1 L, tamno staklo, plastični čep na zavrtnje otporan na curenje. Stavka nije označena u katalogu, a što je zahtjevano tačkom 2.3 tenderske dokumentacije.

- Stavka br. 27. Traženo: Staklena boca sa čepom na navoj od polipropilena pogodnim za autoklaviranje do 121 o C. Boca izrađena od borosilikatnog stakla za otpornost na visokoj temperaturi. Boca graduirana, prozirna od 500 mL/kom. Stavka nije označena u katalogu, a što je zahtjevano tačkom 2.3 tenderske dokumentacije.

- Stavka br. 28. Traženo: Tamna staklena boca, široko grlo, sa čepom obloženim PTFE, volumen 100 mL, prečnik navoja 40 mm. Stavka nije označena u katalogu, a što je zahtjevano tačkom 2.3 tenderske dokumentacije.

- Stavka br. 29. Traženo: Tamna staklena boca, široko grlo, sa čepom obloženim PTFE, volumen 250 mL, prečnik navoja 55 mm. Ponuđeno: Nije označena u katalogu, a što je zahtjevano tačkom 2.3 tenderske dokumentacije.

Ponuđač EURO LAB d.o.o. Bijeljina je dostavio ponudu za LOT 3 u iznosu od 6.699,50 KM bez PDV-a. **Odbija se ponuda ponuđača EURO LAB d.o.o. Bijeljina** iz razloga što slijedeće stavke ne odgovaraju tehničkim specifikacijama i zahtjevima navedenim u Aneksu II i tački 2.3. predmetne tenderske dokumentacije:

-Stavka br. 3. Traženo: Epruvete, volumen 15-18 mL; maksimalni prečnik 16 mm, maksimalna visina 13 cm/kom, ponuđeno Epruvete, prečnik 16 mm, visina 16 cm.

- Stavka br. 5. Traženo: Erlenmeyer tikvica, staklena, široko grlo, volumena od 200 ml, graduisana/kom, ponuđeno Erlenmeyer tikvica, staklena, široko grlo, volumena od 250 ml, graduisana/kom.

- Stavka br.12. Traženo: Odmjerni sud, tamno-borsilikatno staklo, stakleni čepovi, od 10 mL, A klasa/kom, ponuđeno Odmjerni sud, tamno-borsilikatno staklo, polietilenski čepovi, od 10 mL, A klasa/kom.

- Stavka br. 13. Traženo: Odmjerni sud, tamno-borsilikatno staklo, stakleni čepovi, od 100 mL, A klasa/kom, ponuđeno Odmjerni sud, svijetlo staklo, stakleni čepovi, od 100 mL, A klasa/kom.

- Stavka br. 23. Traženo: Reagens boce, tamno staklo, usko grlo, ravno dno, stakleni čep NS 29/32, 1000 mL/kom, ponuđeno Reagens boce, svijetlo staklo, široko grlo, ravno dno, stakleni čep, 1000 mL/kom.

- Stavka br. 28. Traženo: Tamna staklena boca, široko grlo, sa čepom obloženim PTFE volumen 100 ml, prečnik navoja 40 mm, u katalogu ponuđen i označen prečnik navoja 54 mm.

- Stavka br. 29. Traženo: Tamna staklena boca, široko grlo, sa čepom obloženim PTFE volumen 250 ml, prečnik navoja 55 mm, u katalogu ponuđen i označen prečnik navoja 45 mm.

- Stavka br. 34. Traženo: U cjevasti konektor sa šlifovanim završetcima N 24/14 za postojeću kompaktnu aparaturu za destilaciju cijanida (Behr Labor-Technik), MV 2914; B00218489.

Nije dostavljen katalog/opis i fotografija roba izrađeni od strane proizvođača, kojima se dokazuje tehnička specifikacija robe, a u skladu sa tačkom 3.2 d) 2) tenderske dokumentacije.

**Ponuđač KEFO d.o.o. Istočno Sarajevo je dostavio prihvatljivu ponudu za LOT 3 u iznosu od 7.974,30 KM bez PDV-a, te je kao takva ocijenjena kao najpovoljnija.**

U postupku donošenja ove odluke, Komisija je pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, nisu nađeni razlozi, nepravilnosti niti propusti u radu, koji bi eventualno bili osnov za neprihvatanje preporuke Komisije za javnu nabavku. Ocijenjeno je da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.



Na osnovu navedenog odlučeno je kao u dispozitivu.

**PRAVNA POUKA:**

Učesnik u postupku, koji nije zadovoljan ovom odlukom, može u roku od 10 (deset) dana od dana prijema ove odluke izjaviti žalbu zbog povrede odredaba Zakona o javnim nabavkama. Žalba se podnosi u najmanje 3 primjerka „Agenciji za vodno područje rijeke Save“ Sarajevo. Žalilac je obavezan platiti naknadu za pokretanje žalbenog postupka. Kada se žalba ulaže na odluku o izboru ili poništenju, a ne odnosi se na nabavu u cjelini nego na jedan ili više lotova nabave, naknada iznosi trećinu iznosa iz člana 108. Stav (1) tačka c) Zakona o javnim nabavkama BiH. (član 108. stav (5) Zakona o javnim nabavkama BiH).

Dostaviti:

- Ponuđačima,
- Sektor 50,
- Sektor 60,
- a/a



**DIREKTOR**

*Sejad Delić*  
**Sejad Delić, dipl.inž**